



Adresa: **UI.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-155-5/23**

Datum: **13.06.2023. god**

„Agencija za vodno područje rijeke Save“ Sarajevo rješavajući po zahtjevu investitora „ADO-TRANS“ d.o.o. Visoko za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očezi u Visokom, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

ZAKLJUČAK

Odbacuje se zahtjev investitora „ADO-TRANS“ d.o.o. Visoko za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očezi u Visokom, zbog nepotpunosti dokumentacije i smatra se kao da nije ni podnesen.

Obrazloženje

Na zahtjev Investitora „ADO-TRANS“ d.o.o. Visoko dana 11.04.2023. godine pokrenut je postupak za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očezi u Visokom.

Uz zahtjev je dostavljena slijedeća dokumentacija:

- Rješenje o dosudi, broj:410Rs0742941912 od 10.06.2022. godine izdato od strane Općinskog suda u Visokom – ovjerena kopija,
- Aktuelni izvod iz sudskog registra izdat od strane Općinskog suda u Zenici, broj: 043-0-RegZ-23-000156 od 19.01.2023. godine - ovjerena kopija,
- Uvjerenje o registraciji poreznog obveznika od 11.02.2021. godine izdato od strane Kantonalnog poreznog ureda u Zenici – ovjerena kopija,
- Izjava uz zahtjev za izdavanje vodne dozvole, broj:G-124-1/23 od 05.04.2023. godine,
- Rješenje o vodnoj dozvoli, broj:UP-I/25-3-40-117-4/10 od 12.04.2010. godine izdato od strane Agencije za vodno područje rijeke Save, Sarajevo – kopija,
- Dokaz o uplaćenju federalnoj upravnoj pristojbi na zahtjev.

Nakon prijema i pregleda dostavljene dokumentacije Agencija se aktom broj: UP-1/21-3-40-155-2/23 od 12.04.2023. godine obratila investitoru sa zahtjevom da u skladu sa odredbama „Zakona o vodama („Službene novine Federacije BiH“, broj 70/06.), Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), Uredbe o uslovima ispuštanja otpadnih voda u okoliš i sisteme javne kanalizacije i uslova iz Rješenja o vodnoj dozvoli broj:UP-I/25-3-40-117-4/10 od 12.04.2010. godine, Agenciji dostavi slijedeće:

- Pismenu izjavu kojom se potvrđuje da li je na terenu izvršena izgradnja objekata i sadržaja (separatora ulja imasti sa koalescentnim filterom) u skladu sa zahtjevom iz rješenja o vodnoj dozvoli pod tačkom 3.2.
- Pismenu izjavu kojom se potvrđuje da li je na prostoru asfaltne baze izvršena rekonstrukcija manipulativnih površina-saobraćajnica, a sve u skladu sa uslovima iz tačke 3.3.
- Pismenu izjavu kojom se potvrđuje da je izgrađeno monitoring okno i da li je vršen monitoring, tj. ispitivanje kvantitativnih i kvalitativnih karakteristika efluenta, a što je i bio uslov iz tačaka 3.4. i 3.5. predmetnog rješenja o vodnoj dozvoli.

Obzirom da Investitor ne posjeduje projektnu dokumentaciju zatraženo je da urade projektnu dokumentaciju izvedenog stanja- hidro fazu, nivoa glavnog projekta, za vanjsko uređenje, prikupljanje, tretman i odvodnju onečišćenih oborinskih voda i otpadnih voda koje nastaju na predmetnom lokalitetu.

Projektna dokumentacija je trebala biti urađena od strane pravnih lica koja imaju ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva.

Projektna dokumentacija je trebala biti urađena u skladu sa uslovima iz Rješenja o vodnoj dozvoli broj:UP-I/25-3-40-117-4/10 od 12.04.2010. godine.

U zahtjevu je napomenuto da ukoliko na prostoru asfaltne baze nije izvršena ugradnja separatora ulja i masti, radno manipulativne, skladišne, parking i druge površine nisu asfaltirane, nisu ugrađeni slivnici, rešetke, površine nisu nivelisane, nije izgrađeno monitoring okno tj. ukoliko Investitor nije postupio po zahtjevu iz tačkaka 3.2. 3.3.,3.4. i 3.5. predmetnog rješenja, tada je bilo neophodno da projektnu dokumentaciju dopune sa podacima o izgrađenim objektima i sadržajima na istoj parceli - hidro faza, na nivou glavnog projekta sa mjerama za sprečavanje negativnih uticaja predmetnih pogona i sadržaja na režim voda i režima voda na predmetnu lokaciju.

Napomenuto je da je u projektnoj dokumentaciji neophodno dati opis sistema za prikupljanje, transport i tretman zamuljenih i zauljenih voda, mjesto tretmana (separator ulja i masti i/ili taložnik-ci, sistem recirkulacije), osnovne karakteristike ugrađenog/ih uređaja za tretman, mjesto vršenja monitoringa prečišćenih voda te mjesto ispusta tj. recipijent.

Sastavni dio projektne dokumentacije je i pregledna situacija sa ucrtanim objektima i naznačenoj udaljenosti istih od vodotoka.

Napomenuto je i da investiciono-tehničkom dokumentacijom treba obraditi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj.

Krajnji rok za dostavljanje tražene dokumentacije bio je 27.04.2023. godine.

Investitor je aktom broj: broj:G-134/23 od 14.04.2023. godine podnio zahtjev za prolongiranje roka za dostavljanje tražene dokumentacije, u skladu sa zahtjevima iz akta broj: UP-1-21-3-40-135-2/23 od 12.04.2023. godine. Agencija je uvažila zahtjev i prolongirala rok za dopunu podneska do 30.05.2023. godine.

Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama („Službene novine Federacije BiH“, broj 70/06) člana člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata



Haris Ališehović, dipl. ing.građ.

Dostaviti:

- „ADO-TRANS“ d.o.o.

Poslovna zona Ozrakovići bb, 71300 Visoko,

- AVP Sava, ISV – Vodna knjiga,

Org.jed. 40 – Arhiva,

- AVP Sava – Oglasna ploča